

# INUIT ATAQATIGIIT INATSISARTUNI



3. august 2021

UKA2021/108

Inatsisartut Suleriaasianni §36 naapertorlugu Inatsisartut oqallinnissaannik siunnersuut imaattoq matumuuna saqqummiuppara:

**Imigassaarniarnerup pisiniarfinnit avissaartillugu immikkut imigassaarniarfeqalernissaa pillugu apeqquteqaat aallaavigalugu oqallinnissamik siunnersuut.**

(Inatsisartunut Ilaasortaq Charlotte Pike, Inuit Ataqatigiit)

## **Tunggavilersuut:**

Imigassaarniarneq ullumikkut pisiniarfinni tamangajanni nunatsinni atuuppoq. Taakkualu pisiniarfiit ulluinnarni nerisassaarniarfinni kioskini allanilu pisiniarfinniinneri pillugit Inatsisartunut oqallisissiamik saqqummiussivunga.

Saqqummiussininni tunggavilersuutigaara imigassat nerisassallu allat ataatsimoortinneri ullutsinni pissusissamisut isigineqaannassanersut eqqarsaatigeqqittariaqaleratsigu. Ulluinnarnimi imigassaarniat takuneqarsinnaasarput ilaatigut pisiniarfiit eqqaaniittut aalakoortutik iluatsitsiffissarsiortut allaat ilaqtariit meerartallit nerisassarsiniartut takusassarinnigisartik naammattoortarpaat inuit pisiniarfiit eqqaanni pisiniartitsiffissarsiortut. Ilaqtariit meeqqallu ulluinnarni tamakku nalaatariunnaassappasuk aqutissaq tulliulluarsinnaavoq meeqqanik iserfigineqarsinnaanngitsuni pisiniarfimmik imigassaarniarfimmik immikkoortumi pilersitsisoqarneratigut nunatsinni tamani atuuttussamik.

Ulluinnarni inuuniarnikkut imigassaq inuup pisariaqartitaatut taaneqarsinnaanngilaq. Taamaattumik pisiniarfinni ulluinnarni angerlarsimaffitsinni pisariaqartitatta akornanniinneri eqqartugassaqqissivoq sooq imigassat pisiniarfinni nerisassat akornaniittariaqarnerisut.

# INUIT ATAQATIGIIT INATSIARTUNI



Nunarsuarmi statistikkini, soorlu WHOp kisitsisaani, takutinneqartarpoq imigassap atorneqarneragut timimut tarnimullu sunniutai kingunerluutigineqartartut annertuut pisartut aammalu ilaqutariippassuit eqqugaasartut. Nunatut inuiaqatigiinni imigassap atorneqarnera ulluinnarnilu inuusuttunut pisariaqartitaq nalinginnaasutut pisiniarfinni takujuaannassappassuk nalinginnaasutut isigineqartuassooq.

Inuusuttut aqqutissiuuttariaqarpagut eqqartorlugulu imigassap nuannaarniutitut nalinginnaavallaarnerata allanngortinnissaanik. Inuusuttunut maligassiuisariaqarpugut inersimasutut uagullu inersimasutut maligassaalluartariaqarluta, imigassamut naaggaarsinnaaneq aamma ulluinnarni inuup pisariaqartitaatut isikkoqartikkunnaarnissaanut aqqutissiuussilluta.

Nunani avannarlerni Danmarkilu kisiartaalluta imigassap tuniniarnera nittarsaanneqarneralu imak inatsisilinni. Nunani avannarlerni sinnerini imigassaq immikkut pisiarfinni pisiassaavoq, nittarsaanneqaranilu, meeqqat inuusuttuaqqat imigassamik, uatsitulli, atuiliaartigineq ajorlutik.

Taakkartukkakka tunggavigalugit, imigassamik ajornartorsiutillit, tamatumalu kingunerisaanik meeqqat eqqugaasartut nunatsinni ikigisassaangimmata, imigassap pisiniarfinni nerisassaarniarfinni tuniniagaanera pillugu oqallisissiaq una saqqummiuppara.

Oqallilluarnissarsi qilanaaraara.

Oqallilluarisi.